

KJKP "RAD" d.o.o. SARAJEVO

-DIREKTOR-

Broj: 05-03-04- /17

Sarajevo, 17.04.2017. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 40. Statuta KJKP "RAD" d.o.o. Sarajevo, direktor donosi

ODLUKU

o rezultatima okončanog postupka izbora najpovoljnijeg ponuđača za vršenje usluga registracije vozila, tehnički pregled i izdavanje licence

I

Za najpovoljnijeg ponuđača za vršenje usluga registracije vozila, tehnički pregled i izdavanje licence, odabiram ponudu firme "UNIS AUTOMOBILI I DIJELOVI" d.o.o. Sarajevo.

OBRAZLOŽENJE

KJKP "RAD" je dana 17.02.2017. godine na portalu javnih nabavki BiH objavilo Obavještenje o nabavci kroz ponovoljeni otvoreni postupak za izbor najpovoljnijeg ponuđača za vršenje usluga registracije vozila, tehnički pregled i izdavanje licence, sa rokom dostave ponuda do 30.03.2017. godine.

Na otvoreni postupak pristigle su dvije (2) ponude i to ponude firmi „UNIS AUTOMOBILI I DIJELOVI“ d.o.o. Sarajevo i „CENTROTRANS – EUROLINES“ d.d. Sarajevo.

Komisija za nabavku je u toku provođenja otvorenog postupka i nakon detaljnog pregleda tenderske dokumentacije utvrdila sljedeće:

- Ponuđač „CENTROTRANS – EUROLINES“ d.d. Sarajevo je dostavio potvrde o uspješno izvršenim ugovorima koje nisu za predmet imale sve usluge koje su predmet ove nabavke te nisu srazmjerne vrijednosti nabavke (potvrde izdate od strane „F.S. EUROTRANS“ d.o.o. Sarajevo i Ministarstva odbrane – obrane BiH). Naime, iste su izdate za pružanje usluga tehničkog pregleda i baždarenja tahografa ali ne za vršenje usluga registracije te nisu srazmjerne procijenjenoj vrijednosti ugovora (koja pored usluga koje su predmet nabavke ovog postupka uključuje i vrijednosti ostalih zakonskih obaveza koje će biti predmet ugovora). Dalje, potvrda „CENTROTRANS – EUROLINES“ d.d. Sarajevo ne sadrži sve potrebne podatke, tražene tenderskom dokumentacijom a u skladu sa Zakonom o javnim nabavkama BiH.

Ponuda ovog ponuđača je ocijenjena kao neprihvatljiva te nije uzeta u dalje razmatranje.

Cijeneći činjenice koje je Komisija imala u vidu pri odabiru najpovoljnije ponude Komisija je predložila ponudu firme "UNIS AUTOMOBILI I DIJELOVI" d.o.o. Sarajevo kao potpuno prihvatljivu budući da dostavio svu potrebnu dokumentaciju i ponudio ukupnu cijenu za vršenje usluga registracije vozila, tehnički pregled i izdavanje licence od 2.000,00 KM. Uslovi plaćanja su odgođeno 60 dana.

Obzirom da se radi o ponovoljenom otvorenom postupku javne nabavke sa objavom obavještenja i da je broj prihvatljivih ponuda jedan (1), a da je Obavještenjem o nabavci predviđeno zaključivanje okvirnog sporazuma sa jednim ponuđačem, cijeneći cijene, kretanja na tržištu i budžet ugovornog organa određen za nabavku predmeta javne nabavke, od strane Komisije utvrđeno je da je zadovoljena stvarna konkurencija te daje preporuku Ugovornom organu da se gore pomenuta ponuda prihvati kao potpuno prihvatljiva.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**DIREKTOR KJKP „RAD“
Selim Babić dipl.ing.građ.**

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

DOSTAVITI:

- Ponuđačima;
- Direktor;
- Komercijalnoj službi;
- a/a